
Saksnr:	2020/37174-1
Saksbehandlar	Lena Merete Söderholm
Dato:	04.06.2020

Til: Vestlandsrådet

Frå: Fylkesrådmannen

NORA (Nordisk Atlantsamarbeid) - orientering og status

Dette notatet har som føremål å gje Vestlandsrådet ei oppdatering på NORA si organisering og aktivitetar.

Vestlandsrådet si rolle i NORA

Vestlandet, gjennom Vestlandsrådet, er ein av dei fem geografiske regionane i NORA, og ein av to norske regionar som utgjer «kyst-Norge». Den øvrige «kyst-Norge» vert representert gjennom «Nord-samarbeidet». Historisk har Sogn og Fjordane fylkeskommune ivareteke funksjonen i NORA på vegne av Vestlandsrådet fram til no. Frå 2020 er det Vestland fylkeskommune som har dette ansvaret. Fylkesrådmannen legg til grunn at Vestland fylkeskommune vidarefører denne funksjonen på vegne av Vestlandsrådet.

Kva er NORA

NORA er ein mellomstatleg organisasjon under Nordisk Ministerråd sitt regionalpolitiske samarbeidsprogram og er finansiert av Nordisk Ministerråd og dei deltakande regionar; Island, Færøyane, Grønland, Vestlandet og Nord-Norge. NORA skal bidra til vekst i regionane m.a. gjennom å styrke samarbeidet mellom bedrifter og forskings- og utviklingsorganisasjonar på tvers av region- og landegrensene.

- NORA tek initiativ til, og deltek i strategiske prosjekt som bidreg til å styrke samarbeidet i mellom dei fire landa i NORA-regionen. NORA kan t.d. arrangere konferansar og initierer analyser med fokus på regionane sine felles problemstillingar.
- NORA lyser ut og gjev finansieringsstøtte til konkrete samarbeidsprosjekt (utviklingsprosjekt), som bidreg til å stø opp under dei måla som er omtalt i strategiprogrammet.
- NORA bringer vidare relevant informasjon til den nordatlantiske offentlegheit. Eigne nyheitsartikler vert lagt ut på NORA si heimeside og ein sender ut månadlege nyhendebrev og oppdateringar på Facebook.

NORA har sitt hovudsekretariat på Færøyene. NORA vert styrt av ein komité på 12 medlemmer med tre representantar frå kvart land. Leiinga av komiteen går på rundgang mellom medlemsregionane og i 2020 har Vestlandet formannsvervet i NORA på vegne av Kyst-Norge.

Som norske medlemmer i NORA sin komité er Lisbeth Nylund frå Kommunal- og moderniseringsdepartementet (KMD), Eirik Fiva frå Nord-samarbeidet (Nordland fylkeskommune) og Lena Söderholm frå Vestlandsrådet (Vestland fylkeskommune, formann i 2020). NORA har og eit arbeidsutval (AU) som består av direktøren samt ein representant frå kvar region. I 2018, 2019 og 2020 har Vestlandet vore Norge sin representant i AU.

I tillegg til komiteen sine medlemmar, har NORA ein kontaktperson i kvar region. Desse har hovudansvaret for gjennomføring av deler av det praktiske prosjektretta arbeidet; vere NORA sin kontakt mot organisasjonar og bedrifter, initiere samarbeidsprosjekt, følgje opp søkjarar og kople bedrifter og organisasjonar mot partnerar i dei andre NORA-regionane. Denne kontaktfunksjonen vert ivareteke av Forskningsrådet sin representant i tidlegare Sogn og Fjordane som gjennom sitt nettverk knyter til seg dei andre fylka på Vestlandet.

Siste året har NORA i ein viss grad utvida sitt regionale samarbeidet vestover, i første rekke mot Skottland. Dette har m.a. resultert i at fleire av dei 15 søknadane om finansiell støtte som no skal opp til vurdering i NORA sin komité, har med seg skotske partnerar.

Finansiering

NORA vert finansiert av Nordisk Ministerråd supplert med nasjonale bidrag frå dei fire deltakarlanda. Dei siste åra har bidraget frå Vestlandsrådet vore på DKK 100 000.

Strategi og handlingsprogram

Hovudlinene i NORA sitt arbeid vert fastsett av komiteen gjennom fleirårige strategiplanar og årlege handlingsprogram. Prioriterte områder i gjeldende strategi (2017-2020) er; kreative industrier, grøn energi, bioøkonomi, berekraftig turisme, informasjons- og kommunikasjonsteknologi, velferds-tjenester samt maritim tryggleik/ beredskap.

NORA er organisert med administrativ deltaking frå regionane. Sidan NORA ligg under Nordisk ministerråd sitt regionalpolitiske samarbeidsprogram, har samarbeidet likevel ei klar regionalpolitisk side, kanskje i første rekke knytt til tematikk som ligg i strategi- og handlingsplanen. Nord-Atlanteren har m.a. felles problemstillingar i høve til spreidd busetnad, klimautfordringar, kystkultur og kystrelatert næringsliv, stor auke i turisme og sårbar natur. Utfordringane for Nordatlantisk region er såleis utfordringar som dei respektive landa og regionane jobbar med på regionalpolitisk nivå.

NORA er no i gang med å utarbeide strategiplan for den neste fireårsperioden frå 2021. Forslag til strategiplan vil venteleg kome på høyring til Vestlandsrådet hausten 2020.

For nærare informasjon om NORA, sjå heimesida: www.nora.no